



MENTAL HEALTH SERVICES ACT

DAIM QAUV NTAWV

**Lub Xyoo 2018-19 Txoj Hauj Lwm Npaj
Rau 3 Lub Xyoo thiab Qhov Kev Npaj
Siv Nyiaj**

**Tshaj tawm ntev 30 hnuv rau Pej Xeem Sawd Daws
Tau Los Saib thiab Muab Lus Taw Qhia
lub 2 Hlis 4, 2019 txog lub 3 Hlis 6, 2019**

Cov Ntaub Ntawv Tseem Ceeb Ntawm Feem Thawj Coj

Proposition 63 tau raug pom zoo los ntawm cov neeg pov npav hauv California rau thaum lub 11 Hlis 2004, thiab tau dhau los ua txoj cai Mental Health Services Act (MHSA). MHSA tau tso cai kom cov neeg nplua nuj them nqi se tshaj ntxiv (1% ntawm cov nqi se los ntawm cov neeg uas khwv tau nyiaj tshaj \$1 lab daus las) coj los txhim kho thiab siv saib xyuas rau cov neeg muaj kev nyuaj siab hauv lub zos. Lub hom phiaj ntawm MHSA yuav tsum txo tej yam cuam tshuam tsis zoo mus ntev rau cov neeg thiab cov tsev neeg uas muaj kev nyuaj siab uas tsis raug kho.

Lub Zos Sacramento yog 1 lub ntawm 8 lub zos nyob hauv Central Mental Health Region ntawm Lub Xeev California. Xeev California, Department of Finance khw yees tias hauv xyoo 2018 muaj neeg nyob hauv Lub Zos Sacramento thaj tsam li ntawd 1.5 lab tus neeg. Yog li ntawd thiaj li txiav txim tias Sacramento yog ib lub zos loj, tshwj xeeb mas yog muab piv rau cov neeg nyob nrog cov zos ib puag ncig. Sacramento yog ib lub zos uas muaj ntau hom haiv neeg sib txawv ntau tshaj plaws nyob hauv California uas muaj txog rau hom lus hais xws li (Lus Arabic, Lus Cantonese, Lus Hmoob, Lus Lav Xias, Lus Mev, thiab Lus Nyab Laj). Keeb kwm yav dhau los, Lub Zos Sacramento yog 1 lub ntawm 3 lub zos uas muaj cov neeg thoj nam tuaj nyob coob tshaj plaws hauv California. Lus Arabic yog ib hom lus hais tau muaj nyob rau hauv xyoo 2017. Peb zoo siab txais tos cov neeg tuaj nyob tshiab thiab yuav sib pab koom tes kho kom tau raws li feem xav tau tshwj xeeb ntawm cov neeg sib cuag hauv lub zej zos.

Lub Zos Sacramento tau mob siab npaj thiab nqis tes tsim kho rau txhua feem ntawm MHSA. Txoj cai ntawm AB100 hauv xyoo 2011 thiab AB1467 hauv xyoo 2012 tau tsim muaj ntau yam pauv hloov tseem ceeb rau MHSA, suav txog kev hloov cov kob nyiaj pab los ntawm sawd daws mus txog rau cov nyiaj pab hauv txhua lub hlis los ntawm cov nqi se nrog rau qhov kev npaj ua/kev tso los ntawm Lub Xeev mus rau pawg Boards of Supervisors hauv lub zos.

Cov kev npaj ua rau txhua txoj hauj lwm ntawm MHSA yeej yog los ntawm cov kev npaj hauv lub zos. Cov kev pab txhawb no muaj nyob rau hauv cov kev npaj sib koom tes nrog rau lawm feem neeg los tsim cov kev pab txhawb rau qhov tseem tsis tau zoo txaus kom tau raws li lub siab xav ntawm peb cov haiv neeg hauv lub zos.

Community Services and Supports (CSS) muab nyiaj pab kho mob rau cov neeg muaj kev nyuaj siab thiab pab txhawb rau cov me nyuam yaus/cov tub ntxhais hluas thiab lawv tsev neeg uas muaj teeb meem txog kev xav thiab cov uas muaj kev nyuaj siab hnyav. Kev muab vaj tse rau nyob kuj yog ib feem hauj lwm ntawm CSS. Hauv Lub Zos Sacramento, yav dhau los tau pom zoo txog 9 Txoj Hauj lwm ntawm CSS uas muaj txog kaum cuaj (19) yam kev pab txhawb. Ntau xyoo dhau los, tau muab cov kev pab txhawb no ntau zuj zus ntxiv thiab peb tau mob siab muab kev saib xyuas kom tau zoo tshaj plaws rau sawd daws kom tau raws li lub siab xav ntawm cov me nyuam yaus, cov neeg loj, cov neeg laus thiab lawv tsev neeg.

Raws li tau hais tseg rau hauv yav dhau los ntawm Qhov Kev Npaj Rau Peb Lub Xyoos thiab Kev Kho Txhua Lub Xyoos, feem Division of Behavioral Health Services tau qhia txog peb zeeg sij hawm kev npaj tsim ua kom muaj cov kev pab txhawb CSS ntau ntxiv uas yeej pib los puag thaum xyoo 2014 lawm. Txoj hauj lwm tshiab no thiab txoj hauj lwm tsim ua kom ntau ntxiv tau raug nqis tes ua raws li Kob Nyiaj Npaj Siv Hauv Lub Xyoo (FY) 2017-18.

Tsis tas li no xwb, yuav ua mus raws li pawg Board of Supervisors qhov kev txiav txim rau thaum Lub 11 Hlis 7, 2017, feem Division of Behavioral Health Services tau qhia npaj qhov kev npaj hauv lub zos rau thaum Lub 12 Hlis 2017 thiab Lub 1 Hlis 2018 tau hais kom muaj kev pab saib xyuas ntxiv rau feem kev kev nyuaj siab rau cov neeg uas muaj kev nyuaj siab hnyav tshwj xeeb mas yog cov neeg tsis muaj tsev nyob los sis cov neeg uas yuav muaj pheed hmoo tsis muaj tsev nyob. Txoj hauj lwm tshiab thiab txoj hauj lwm tau ua no yeej muab tso rau hauv Qhov Kev Npaj Rau 3 Lub Xyoos lawm. Kev tsim ua cov hauj lwm qub kom ntau ntxiv yog npaj pib ua rau hauv Kob Nyiaj Npaj Siv xyoo FY 2017-18 thiab txoj haujlwm tshiab yuav pib rau hauv Kob Nyiaj Npaj Siv xyoo FY 2018-19.

Prevention and Early Intervention (PEI) muab nyiaj pab txhawb thiab nrhiav cov hauj lwm los pab tiv thaiv kev muaj kev nyuaj siab uas tshwm sim los los sis yuav ua rau muaj mob loj thiab ua rau tsis taus. Lub Zos Sacramento Qhov Kev Npaj PEI yog muaj 4 txoj hauj lwm loj uas raug pom zoo dhau los nrog rau muaj pib 31 txoj hauj lwm pab txhawb los daws thiab tiv thaiv kev tua yus tus kheej thiab pab qhia ntawv rau lawv; pab txhawb rau cov tsev neeg; nrog rau kev saib xyuas mob nkeeg thiab kev noj qab nyob zoo; thiab kev txo kom txhob muaj kev nyuaj siab ntau thiab tsis txhob muaj kev sib cais.

Ntawm Kev Npaj Rau 3 Lub Xyoo muaj PEI los pab saib xyuas rau cov tub ntxhais hluas uas raug coj los tu raws li tau txiav txim rau tham lub 11 Hlis 7, 2017 los ntawm pawg Board of Supervisors. Qhov tshiab no yuav pib txoj hauj lwm xyoo 2018-19.

Tsis tas li no xwb, yuav ua mus raws li pawg Board of Supervisors qhov kev txiav txim rau thaum Lub 11 Hlis 7, 2017, feem Division of Behavioral Health Services tau qhia npaj qhov kev npaj hauv lub zos rau thaum Lub Kaum Ob Hlis 2017 thiab Lub Ib Hlis 2018 tau hais kom muaj kev pab saib xyuas ntxiv rau feem kev nyuaj siab rau cov neeg uas muaj kev nyuaj siab ntau tshwj xeeb mas yog cov neeg tsis muaj tsev nyob los sis cov neeg uas yuav muaj pheed hmoo tsis muaj tsev nyob. Kev tsim ua cov hauj lwm qub kom ntau ntxiv yog npaj pib ua rau hauv Kob Nyiaj Npaj Siv xyoo 2017-18 thiab txoj hauj lwm tshiab yuav pib rau hauv Pob Nyiaj Npaj Siv xyoo 2018-19. Cov txheej txheemntawm no qhia nyob hauv qhov kev tshaj tawm hloov tshiab txhua xyoo.

Qhov kev hloov tshiab txhua xyoo kuj nrog rau yam tshiab hauv PEI txoj luag hauj lwm. Trauma Informed Wellness rau cov neeg African American. Qhov txheej txheem no yog kev pab cuam los ntawm pab neeg npaj thiab PEI feem ntawm cov ntaub ntawv hloov tshiab txhua xyoo.

Qhov Innovation (INN) muab nyiaj pab rau lub sij hawm luv los ntsuas sim thiab/los sis tsim kho kev saib xyuas kev nyuaj siab los sis cov tswv yim saib xyuas kev nyuaj siab kom lawv tau txais kev saib xyuas ntau ntxiv (suav txog pawg neeg uas tsis raug saib xyuas), kom muab kev saib xyuas tau zoo ntxiv, los sis muaj kev sib koom tes los ntawm ntau lub chaw ua hauj lwm.

Sacramento County qhov tau pom zoo xub thawj txog Txoj Hauj lwm INN yog txoj hauj lwm Respite Partnership Collaborative (RPC) uas tau npaj rau lub ncuaj sij hawm 5 lub xyoos txij thaum 2011 – 2016. Cov kev pab txhawb saib xyuas kev nyuaj siab uas raug npaj rau ntawm txoj hauj lwm no raug hloov mus rau MHSA CSS/PEI kob nyiaj pab lawm thiab raug muab piav qhia hauv kev hloov Tshiab Txhua Lub Xyoo.

Hauv Lub 5 Hlis 2016, feem Mental Health Services Oversight and Accountability Commission (MHSOAC) tau pom zoo Sacramento County Txoj Hauj lwm INN thib 2 uas yog Mental Health Crisis/Urgent Care Clinic. Lub Chaw Kuaj Mob no raug qhib rau thaum lub 1 Hlis 2017.

Qhov MHSA Qhov Kev Npaj Rau 3 Lub Xyoos nrog rau pab INN thib 3 uas yog Behavioral Health Crisis Services Collaborative INN Project #3. Txoj hauj lwm no yog ib txoj hauj lwm sib koom tes ntawm tsoom fwv/tuam txhab ntiag tug nrog Dignity Health thiab Placer County los npaj cov kev saib xyuas mob nkeeg rau cov neeg loj rau ntawm cov tsev kho mob uas nyob sab qab teb hnuv tuaj ntawm Sacramento County. Qhov hauj lwm los ntawm txheej txheem kev npaj hauv lub zos thiab tau kev tso cai los ntawm Sacramento County Board of Supervisors April 2018 thiab los ntawm California Mental Health Services Oversight and Accountability Commission (MHSOAC) lub 5 hlis 2018. Teg hauj lwm no yuav pib ua yuav tag xyoo FY 18-19.

Workforce Education and Training (WET) muab nyiaj pab txhawb rau lub sij hawm luv los ntiav neeg ua hauj lwm, cob qhia thiab tshwj tseg cov neeg ua hauj lwm uas yog los ntawm ntau haiv neeg sib txawv thiab muaj ntau hom lus hais sib txawv kom muaj rau ntawm tsoom fwv feem saib xyuas kev nyuaj siab thiab cob qhia kom lawv muaj rab peev xwm saib xyuas thiab tswj xyuas kev noj qab haus huv thiab mob nkeeg kom tau zoo thiab kom zoo rov qab los. Sacramento County's WET Plan muaj txog 8 txoj hauj lwm uas raug pom zoo yav dhau los lawm. Raws li Welfare and Institutions Code (WIC) Section 5892(b), Cov zos no yuav siv qee cov nyiaj ntawm CSS los pab txhawb rau cov hauj lwm ntawm WET kiag thaum cov nyiaj siv ntawm WET tag lawm. Yog li ntawd, CSS kob nyiaj pab tseem raug siv rau cov hauj lwm no.

Technological Needs (TN) txoj hauj lwm muaj nyob rau hauv Capital Facilities and Technological Needs cov nyiaj pab thiab daws peb tej kev xav tau los mus Teev Tseg Kev Noj Qab Haus Huv Rau Hauv Electronic thiab Teev Tseg Tus Kheej Li Kev Noj Qab Haus Huv Rau Hauv Electronic txhawm rau kev tsim kho cov kev saib xyuas mob nkeeg rau cov neeg qhua. Raws li WIC Section 5892(b), Cov zos no yuav siv qee cov nyiaj ntawm CSS los pab txhawb rau cov hauj lwm ntawm TN kiag thaum cov nyiaj siv ntawm TN tag lawm. Yog li ntawd, CSS kob nyiaj pab tseem raug siv rau cov hauj lwm no.

Capital Facilities (CF) txoj hauj lwm raug ua tiav rau hauv Lub Xyoo 2015-16. Tau tsim kho peb lub tsev rau ntawm Stockton Boulevard uas yog lub chaw kuaj mob ntawm Adult Psychiatric Support Services (APSS). Lub Chaw Sib Koom Tes Ua Ke thiab INN Project #2: Lub Chaw Saib Xyuas kev nyuaj siab/Saib Xyuas Sai. Qhov kev tsim kho cov tsev dua tshiab no ua rau muaj kev saib xyuas mob nkeeg tau ntau dua qhov qub vim muaj chaw dav rau cov neeg qhua thiab lawv tsev neeg.

Muaj cov ntaub ntawv piav qhia txog cov kev pab txhawb thiab cov hauj lwm rau txhua xyoo rau daim qauv ntawm MHSA uas raug muab tso rau hauv MHSA Kob Nyiaj Npaj Siv Hauv Lub Xyoo (FY) 2018-19, pauv tshiab txhua xyoo,

Daim Qauv Ntaub Ntawv Ntawm MHSA Pob Nyiaj Npaj Siv Hauv Lub Xyoo (FY) 2018-19, Qhov Kev Npaj Tshiab tab tom raug muab tshaj tawm rau hauv lub sij hawm 30 hnuv rau sawd daws tau muab lus taw qhia uas yuav pib txij thaum lub 2 Hlis 4 mus txog lub 3 Hlis 6, 2019. Cov Mental Health Board yuav npaj ib Lub Rooj Sib Tham Nrog Pej Xeem Sawd Daws rau hnuv Wednesday, lub 3 Hlis 6, 2019 yuav pib thaum 6:00 teev tsaus ntu rau ntawm Grantland L.

Johnson Center for Health and Human Services, nyob rau ntawm 7001-A East Parkway, Sacramento, CA 95823.

Yog ib tug neeg hauv lub zos xav mus koom Lub Rooj Sib Tham Nrog Pej Xeeb Sawd Daws thiab xav tau ib tug kws txhais lus los sis xav kom muaj kev pab mus los, thov hu rau Darlene Moore kom sai li sai tau tsis pub dhau hnuv Wednesday, lub 2 Hlis 27, 2019, rau ntawm tus xov tooj (916) 875-7227 los sis mooreda@saccounty.net.